

王

笙

樓

詩

錄

玉笙樓詩錄卷五

海昌 沈壽榕 意

同治乙丑

蜀錦謠

織錦機一張挽絲三丈強不識誰家女指血寒欲僵

蜀錦美如花巴段輕如紙估兒富且驕云將貢

天子

近以蜀產綢段充尚方用

金陵殊可憐民家無絲絲近聞織造府仰給釐金

錢江甯初復織造於釐金項內  
月領千金爲公費事見邸鈔

春暮有感二首

綠展芭蕉幾尺新  
門前十丈自紅塵  
無聊風雨偏多事  
但近樓臺別有春  
鏡匣慵開羞老女  
酒杯常醉借他人  
街頭芍藥如蓬賤  
金帶原來不救貧  
絕妙楊枝與柳枝  
何因翻作斷腸詞  
尋將芳草人偏遠  
悟到空花佛也癡  
流水年光歌采采  
還山鄉夢悵遲遲  
開簾笑問青鸚鵡  
汝占雕籠有幾時

落花四首

消損朱顏尙不知爲誰懊惱爲誰癡五更風雨傷  
春候千古英雄墮淚時結子成陰原可待寒香晚  
節未應遲名園宴罷歌聲歇獨倚闌干有所思  
分明過眼等雲煙滌盡鉛華總自然換骨正疑如  
我瘦呼名多誤想夫憐客心孤迥歸何處人面依  
稀感去年此後便從圖畫認寫生安得覓黃筌  
先時羯鼓鎮相催錦幔紅羅取次開無計攀畱眞  
恨事有情解脫卽仙才翩翩長袖輕能舞黯淡離  
魂喚不回對此茫茫悲萬劫便思止水用蘆灰

片石猶成五色天已拌拋擲尙纏緜泥融燕子將  
營壘路熟漁郎再放船記汝鐙前釵影細聽誰樓  
上笛聲圓不如歸去春何事萬樹濃陰響杜鵑

讀工部集慨然賦此

杜公天下士百慮煎以煩坐令困飢走還依富兒  
門鬱鬱少年志悠悠行路言徒傷日月逝莫救風  
塵昏疇能埽六合便舉登九闕訴恐帝已醉罔察  
微蟲冤文章遇魑魅牛酒誣忠魂吾生不見公掩

卷聲暗吞

土人耕田得古銅戈頭二枚上有篆字一  
剝蝕不可識余購藏之賦成十六韻

危崖千尺峻一片野田荒石氣含生翠苔痕獨老  
蒼濃煙迷斷棘快雨出新涼拾得遺戈黯精同繞  
指剛雙枝堪對舞六寸似微長上銳鋒猶厲中圓  
柄畧方螭盤文漸隱蟲篆識難詳赤訝丹砂點青  
如碧玉良初疑金繡澀重洗血毫芒埋沒何年代  
躊躇舊戰場消磨塵夢醒拂拭土花香巧最思和  
兌揮能返魯陽依然完璧好且作善刀藏止亂應

爲武銘功定不忘警宜高枕下閒補隸書傍底許  
英雄事愁翻落日黃

當時一首

當時種竹近窗紗月下鐙前鏤碎遮學畫兒童無  
粉本戲隨牆影去塗鴉

讀羅昭諫詩二首

深情淺語耐人思暖蝶濃鶯各弄姿多少麤才驚  
絕豔何曾解讀晚唐詩

詩筆爭如畫筆難要畱粉本與人看牡丹七字千

秋絕帶雨方知國色寒

啟薌圃觀察

芳

招同江達川方伯楊慶伯

廉訪

重雅

鍾仲山都轉集西園水亭歡飲

有作

秋聲畫不得竹陰青過牆主人喜客至開簾聞酒  
香尊罍燥盈列花謝餘晚芳緩步臨曲沼樹高生  
微涼皆困簿書擾且歡今日觴少飲輒思臥夢筆  
嗤江郎

達川少  
飲卽眠

舉杯如突陣驚呼無敵楊

慶伯揖  
戰屢勝

子期寫琴意余亦遊醉鄉得茲林野趣澹然軒冕



忘偷閒聊復爾明朝何事忙

李西漚宮贊挽詩

冰言可讀人未知

先生所著冰言類呻吟語

後生但誦西漚詩

西漚早具出世想長身短髮將披緇僧鞋幾緇行

萬里閩山粵嶠皆探奇戊申元日先有作

先生遊廣西作

戊申元日詩知大亂將發

瀝陳首禍根邊陲誠如公言先燭見

賊半天下民子遺還鄉教授登皋比學海通匯分  
流支門生班班排玉筍經師難得兼人師公之文  
章世推重公之志趣尤超奇

先皇詔加卿五品督辦團練仍堅辭不然立致大富貴

朝命所賜誰非之平居我與講堂近往來杖履無常期古音漸希古道薄偶言時事頻吁噉公將病矣神不離安命豈屑參苓醫公長往矣人長思西方落落晨星稀如何明德乏後起小阮繼續誠佳兒兒兮勉爲名父子以弟子爲嗣洸洸大集千秋垂時刊

刻所著詩古文諸集

我言未盡雙涕洟介人早歿真堪悲九

原相遇應追隨

介人郡博爲公入室弟子先數年歿故並悼之

題野人居

殘雪微明殘照黃  
村翁畱客開茅堂  
山禽畏寒噤無語  
落葉滿林松子香

同治丙寅

早春約梁檀圃學使

肇煌

草堂觀梅

初晴便喜春風暖  
信步誰知溪路斜  
草堂相近二三里  
梅樹忽開千萬花  
酒杯不空先酌我  
詩人多窮胡爲耶

草堂以陸放翁配祀少陵

畱君未得送君去  
應憐踪跡如搏沙

勿村中丞解組旋閩書來話別奉答二首  
滇事勞如此還家卽

主恩輕裝舊書卷廉吏好兒孫送客春風晚乘槎

星斗捫

時增海船旋閩

重逢應可計底用賦銷魂

蜀道青天上遊踪各紀詩非賢曾表薦感遇豈恩  
私世路嗟桃梗鄉心問荔枝螺江半灣水猶似在  
山時

董叔純太守

貽清

見示酉陽感懷用工部

秦州雜詩韻賦此答之

五馬去探山水窟兩人無限別離情重逢鬢髮如  
年少難得文章近老成杜甫秦州詩慷慨西陽雜  
俎記分明尋常小閣攤書坐忽地秋風畫角聲

雨泊犍爲與劉靜臣中丞林貞伯觀察舟

中小飲

劉名嶽昭湘鄉人  
林名肇元賀縣人

十年前過此羣盜正縱橫今夕爲何夕波濤風雨

聲雄心搖酒盞涼意入鐙檠滇海邪龍踞還當鏃

不平

按雲南通志滇海初爲邪龍所踞觀音大士  
以法制之今大理巖石有紋若篆卽邪龍輸

地券也時杜文秀率同眾反  
踞大理府城十餘年故云

## 合江舟夜

長年乍到數郵亭  
縣枕寒江我再經  
中夜一星懸太白  
半山千丈落空青  
悲來笳鼓秋先覺  
夢入鄉關酒欲醒  
檢點裝衣還自笑  
香消緇染劍花腥

## 渝江喜晤恕堂中丞奉呈二首

別計十八年  
湘山若雲裏  
好風江上舟  
人曰公來矣  
公來我亦來  
道故歡然喜  
問從分手後  
著書增幾許  
憶昔官閩州  
遺澤嘉陵水  
持節鎮杭州  
是儂舊鄉里  
鄉人久不見  
鄉書憑一紙  
寇亂幸得平民

困何時已

捨舟急登岸僦居城東頭疎簾挂新月良夜飛觥

籌醉餘出詩稿史筆分陽秋老吏自斷獄卓哉南

董儔

公以近著兩漢  
詠史詩相商

公云馬齒加子當名驂驪自

顧駑駘質恐貽孫陽羞姑爲十日畱重作千里遊

芙蓉花似錦錦水長悠悠

時將赴  
成都

新樂府八首

從軍歷綦江縣及貴州  
遵義仁懷縣記事而作

臨河歎 惜主賓之交失也

滔滔者流汎汎者舟高不得下發不得收排闥而

入爲客之羞拂衣而去主人之憂行復行休且休  
沈者自沈浮者自浮

築城謠 傷財力之已竭也

朝朝築城暮暮築城石聲土聲歌聲哭聲城早完  
君高遷城不完百姓錢

遵義瘼 痛疾苦之無告也

戰骨縱橫土一窟可憐人命輕於葉城頭狐嘯咽  
酸風屋角鬼鐙逗寒月東家初病西家死朝聞哭  
妻夜哭子白旛處處招魂紙



仁懷團 惡强弱之相凌也

朝廷已許賊爲民團首更驅民作賊籍汝田園破  
汝家汝便欲歸歸不得昨聞大團殺小團團首有  
功新得官團首不除民不安吁嗟乎仁懷團

籠鳥怨 憐懷才而不遇也

驚驚雲間翔鸚鵡籠中小旣愛羽毛奇更憐言語  
巧吁嗟乎不飛不鳴徒自苦野田黃雀來嗤汝

棲鸞悲 嗟新婚而遠別也

妾紅顏郎少年駕與鸞絲與絲舟與車安用之富

與貴徒爾爲使妾紅顏不如老鄰家還羨嫁夫早  
飽鷹颺 比挾貲而先去也

雙眸射地星光出兩翅橫秋霜氣濕草間搏兔兔  
走急獵夫放鷹追不及鷹初來兮小於雀養汝羽  
毛摩汝角汝今颺去嗟吾獨

疲牛臥 喻得祿而負恩也

農夫寶一牛寒暑慎所牧一年汝竟肥三秋田未  
熟健犢能行牛未老主人加鞭胡不早平原臥啖  
青青草

綦江喜晤伍瓊甫侍御

濬祥

並題其硯山

草堂詩稿

男兒立功在天壤但論詞章才已小況復雕鐫失  
真意繡絲刻楮神枯槁疇昔識君君盛年壯志軒  
然凌八表捫胸熟精利病書指畫輿圖掌中曉嘉  
陵爲客重把臂冷署盤飧菜根齏

君至閬中寓袁  
鹿琴廣文署齋

輕舟送別趁新涼微波映綠離情攪隔歲春風吹

帽影再聽巴歌逢乙卯張侯

藥農  
司馬

投轄夜排筵瓊

簫散處餘音裊秋來傳語飛鴻杳回憶狂談堪絕

倒聞說東歸賦遂初便倚長松愁盡埽曩昔京朝  
擢臺諫諤諤丰裁挺奇矯鳳凰有聲中律呂鴈鷗  
詎敢矜眸爪淡忘名位謝簪組朱顏漆髮何曾老  
乞米難謀負郭田閉門本不求溫飽香火緣深都  
未了我行又出南州道大呼歡伯引軍持更命奚  
奴捧詩稿靈仙悟澈清機妙舒卷閒雲明月皎至  
性纏繇骨肉親憂時輾轉痾瘵抱朋儔作頌徵壽  
考君六十自壽懷園相對荆花好君與介弟翰屏  
詩和者百家給諫同居懷園  
三世遺經竹素編一家終日蓬萊島硯山草堂境

深宵卷帙丹黃事幽討問誰肝膽向平原酒熟鄰  
家喚翁媪吁嗟乎此方民苦邊氛擾今夕如吾兩  
人少寓言應似虻憐蛇殘篇自理灰生蚤

時瓊甫  
索觀拙

詩

欲醉無酒借書不得因有是作

興來安得如淮酒夜深渴盡懸河口寶刀出匣雪  
成圍駿馬入門龍欲走躡雲高舉養毛羽殺賊挽  
强羨身手吟到秋心聲轉悲墨磨盾鼻功何有平  
時插架頗自負拂拭芸香防蠹朽而今一借比荆

州却笑千金珍做帚吁嗟乎終南捷徑我未知東  
施效顰人訝醜白哲誰家美少年三丈紅旗字如  
斗

涼雨

涼雨入虛幌暗蟲緣素壁征夫起中夜寶刀黯無  
色家人去益遠何由問消息迴腸轉轆轤萬念雜  
欣感江河日滔滔挹注爭涓滴棧豆飽奚爲馬嘶  
悲伏櫪

東溪二首

屬綦江縣

東下東溪溪水長羣峰迴合晚蒼蒼十年知己才

難報獨立登臨憶侍郎

甲寅冬隨曹穎生中丞駐軍於此

劫後荒園悵落暉重來欲問主人非

溪上羅氏園林已燬山

中依舊清流好可惜無因覓釣磯

經亡友陳均甫觀察故居

名燮莖綦江人

別時殊慷慨臨發且躊躇

將赴關中以暴疾亡

聞說已千古

至今無一書薄田留得未孤子養何如驅馬不能

去寒林掩舊廬

寨壩

屬仁懷縣

泉勢奔諸澗秋聲碎百蟲鄰機猶未歇山月已當  
空戍斷經霜鼓燐飛破屋蓬脂偏一色畫出遠  
林楓

問人二首

汝向賊中來我向賊中去百姓將還家縣官在何  
處

朝過畫眉梢晚過打頭灣路下竟無路山外猶有  
山

同貞伯飲



三才言金  
獨醒何爲者況當秋盡時與君同此味相對惜殘  
卮樹杪一星淡燈前雙影歆登樓各長望空憶仲  
宣詩

曉起

誰從人海泛虛舟却怪霜風欺敝裘朝見奇峰橫  
硤兀臥聞繁鳥喚鉤輅斷雲含雨可憐色枯樹著  
花無賴秋身入蠻鄉心更遠昨宵飛夢墮滄洲

涼村寺

屬仁懷縣

虎豹縱橫咫尺間誰教壯士守重關初過小雪多

寒雨才出荒村又亂山萬里家書數行淚

是日得問梅兄

八月十六日書

十年兵火一僧閒攜鐙遍剔碑無字可惜

苔花紫翠斑

行路難

自涼村寺至圖書壩驛軍桑木垭途中紀險作

行路難難行路千山萬山一步兩步君行在我前  
日暮無人煙澗深折馬足手僵墮馬鞭星漸稀月  
已缺雞犬無聲五更雪

前有狼後有虎婦無衣兒無乳元戎來開幕府揚  
繡旗張鐵弩樓前鳴鉦擊大鼓階下椎牛如磔鼠

此時不知行路難誰道從軍苦

重陰

重陰壓積晦冷風噓斜谷餓鴟樹巢顛暗泉洞穿  
腹斷燐連野燒草根餘血肉夢魂忽驚起啾啾羣  
鬼哭

送蕭薌泉方伯還成都

時同在仁懷軍中

漫舉離觴唱柳枝好憑蠻語入新詩雲山萬里最  
奇處風雨一天將別時邊遠但求兵息早君還休  
悵我歸遲須知蕭育爲男子世論悠悠且聽之

仁懷縣

壞壁尙崢嶸荒寒畫不成山奇刀斧劈邑小彈丸  
輕石佛閒眠地妖狐晝入城昨宵微雨過春草幾  
時生

夜投觀音閣

屬仁懷縣

興廢不知年灰餘死後然龕鐙搖鼠目碑篆走蝸  
涎一榻夜如水六時心已禪貧兒何事樂白骨換  
青錢

劉中丞給貧兒錢  
使收瘞暴露骸骸

野梅四首

欲見不相見欲言誰與言役役誤塵網時時牽夢  
魂綽約春風面寂歷秋蓬根恩重未易報金屋多  
淚痕

種樹祇十年識汝廿年前

丙午冬見梅於  
劍州道上絕佳

更比芙

蓉晚竟同團扇捐初心自冰玉幻想紛雲煙誰家  
屏風上猶復貌嬋娟

黃茅已憔悴丹橘方離離行路久忘倦倏爾歲寒  
時薄植非希榮偶爲賢者知庸中或佼佼相士母  
以皮

移根無尺土一任老空山幸爲斧斤棄羞爭桃李  
顏欲雪忽微雨日暮吾當還幽吟竟誰答流水聲  
潺潺

除日得吳仲昀師太原書

丙寅十月太原書寄到黔中歲已除故國青山無  
恙否時擬自晉返杭不果門生白髮漸來初人才標榜聲名  
際世事文章涕淚餘更欲從公商出處江湖廊廟  
兩何如

同治丁卯

塔忠武義馬歌

有序

靜臣中丞爲榕言前湖南提督塔公齊布驍  
勇善戰剿賊於湘潭得一馬色微赤身短脊  
立而尾特長腹下旋毛若鱗甲狀聞鼓聲輒  
奮起一日追賊入窮谷馬不進異而跡之則  
下臨深淵旁有伏焉隨馬奔處得小舟乃渡  
方突圍時受刀傷不蹶後公歿於九江伏櫬  
悲嘶俯首垂淚人呼爲義馬云

塔公上馬能殺賊此馬偏從賊中得百戰沙場破

竹功滿身雲錦桃花色汗溝隆起垂梢長黃金羈  
勒青絲韁旋文在腹似鱗甲人驚天驥非尋常當  
時追賊搜窮谷陣壓元雲白日速馬行不行若有  
知賊來不來疑有伏俄臨千尺流水深無盡頭叢  
薄殺聲起欲渡無行舟舟來公且渡更恐前無路  
重圍躍出鳥飛難毛血淋漓馬行處將軍歸來衣  
上紫不克九江臣憤死便爲厲鬼亦忠魂遙望長

安謝

天子

公攻九江府城未下一日忽作心痛向北叩首而絕

素旌飄搖依靈輜



哀嘶櫪下聲酸悲壯哉忠武自不朽惜哉義馬無

人知劉公告我我作歌座中有客雙滂沱

長沙彭泰將定

泰為公舊部言之泣下

千秋國士千金骨知己不逢空奈何

### 徐樹人中丞輓詞二首

名宗幹南通州人

公初官蜀道賤子辱相知別後滄溟遠旋聞節鉞

持

公會官四川保甯郡守旋擢汀漳龍道臺灣道位至閩撫

循名兩漢傳

入循吏傳

賜諡清惠

秀句六朝詩虹玉樓何處

著有虹玉樓詩文集

清風有

所思

羣材刀斧力繩墨近無人此日防邊患

深宮仗老臣猶聞遺疏直難得蓋棺貧擬潔椒芬  
薦雲山黯七閩

題鄭子尹廣文集經集詩後

名珍遵義人

播州非人居近爲兵塵區鄭子夙治經崛起稱魁  
儒文質抱真氣典重猶規模詩境闢意匠色古而  
味腴幾見識騷雅粉本空傳摹夜闌短燭灰掩卷  
長嗟吁

浮生異貴賤苟適心卽安何苦溺文史憂悔叢萬  
端夫君能識字

子尹著有說文逸字

而不救饑寒廿年博一

第權篆祇校官

初權黎平訓導

所幸遺手稿尺寸猶波瀾

有書活蠹魚蠹魚嗟已乾

君藏書多佚

寄內二首

束薪區米尙躊躇梁孟高風愧不如  
千古文章眞語少最難著筆是家書

老蛹何堪強吐絲驅愁諱病怕人知  
殘山破縣春宵雨獨起移牀避漏時

軍次吳馬口偶題

屬仁懷縣

溪桃山杏豔交加夕照微殷闕錦霞征婦淚痕征

士血一齊紅作戰場花

簡喻芳余刺史

名懷信南甯人  
時爲黔西州牧

自笑閒雲任卷舒  
偶逢歧路轉躊躇  
愁深作客真無俚  
亂定從君又借書  
春滿水西三月後  
雨來城北二更初  
相商詩律同軍律  
獨拔螯弧我不如

黔西春感四首

不知置我於何等  
四十五年無一長  
近事偶談多忌諱  
舊書重讀自商量  
上山盡採靡蕪徑  
亂後民食草根  
下馬來尋瓦礫場  
更憶往時龔渤海

前牧龔君秉琳城陷被害

招魂無地遣巫陽

半彎月子如眉樣雲起斗然風雨來嵐氣昏昏籠  
野燒角聲隱隱度荒臺可憐地有難埋骨肯信天  
生不用材知否輪囷千尺木而今都作爨餘灰

書院古柏十  
章今爲薪矣

華衣怒馬者誰子豔說封侯最少年專閭便應開  
幕府司農曾否計金錢魚腸色黯囊中水鼠目光  
爭穴裏天痛快竟思焚史冊千秋功罪總茫然  
安能鬱鬱久居此碌碌姓名誰與傳大野盤風雲

出火長吟移晷日如年二毛鬢有雙眉鎖八口家  
無一稜田自分癡人還說夢晨鐘應到枕頭邊

題明王文成公答貴州宣慰司安貴榮三

書後

有序

黔西州明安氏水西部也其地有龍場爲王  
陽明先生貶官所今州牧喻君懷信云修文  
縣有陽明洞乃真跡黔西龍場非其地吳君  
嵩梁建陽明書院亦附會焉考州志載公與  
安榮貴書凡三通一辭所饋金帛鞍馬一論

不可滅驛驛可滅則宣慰司亦可革一宋氏  
所屬之阿買阿禮叛公以安氏同守土應討  
賊嗚呼大賢不見容於朝不幸而竄逐蠻荒  
幾瀕於死然有裨國與民者猶惓惓不忍忘  
雖顛沛造次不易平時之所守也惜書院燬  
於賊安氏之後益微感事賦詩得四十韻

豹房心蕩乾綱歆貂璫手熱孤忠危元氣急難回  
造化精光鬱久成虹霓姚江夫子儒者師讀書窮  
理先致知早歆俎豆媿鄒魯更傳信義彰苗夷今

黔西州明水西安氏世官宜慰司聞公遠至殷主  
誼肅呈箋牘謙而卑答云內省已自疚竄居鬼國  
形影隨粟肉相周念貧乏冠裳比列清威儀遣使  
往還意良厚紛紜觀聽吾誰欺米柴鷄雞受如數  
金帛鞍馬仍請辭以上公答安榮書中語續函再瀆詢減驛  
逐臣預政誠非宜尊王謹奉典章在守位豈容分  
寸移柰何輕舉敢壞法苟邀倖免於一時朝廷震  
怒削汝職別置郡縣將奚爲阿買阿禮供役厮探  
丸弄兵羣怨訾宋家首叛勢烏合宋氏土司其人皆稱宋家子



爾部四十凡八支擁眾擅強不討賊須防讒妒終  
猜疑犬牙錯接象唇齒牀膚災近同睫眉倘或片  
紙付楊愛此疆宰割肇三禡語俱委婉理嚴正若  
啟聾聵加鞭笞

皇清改土雄邊陲馳驅九達皆通達長河疏暢潤  
膏沃崇墉屹立憑厓屢牧民生聚情教誨待以甌

脫惟羈縻黃巾帕首各張號青蕪滿日愁斷炊黔西

土匪有黃號白號始亂於咸豐乙卯至同治丁卯乃平田野荒蕪有食人之慘寶藏珠符

類畫虎明賜土司有三珠虎符指點則溪空逐麋安氏屬地有十二則

溪

里苴慕魁序既杳

其先最貴曰里苴次慕魁苴魁

罵衣夜所稱

尤奇

安氏所部有二十四罵衣千二百夜所

堪笑耳孫忘鼻祖寂寥

濟火誰陳尸板楯拖裙繭足赤

板楯苗人名

銀環壓肩

瓜面鰲奢香墳高舊碑短鐵鐘聲啞苔花滋

東山寺有

安貴榮所鑄鐵鐘高六尺

搜披上乘僅殘本蠹魚蝕粉蛛牽絲

是邦講席亡前規苦經風雨梁棟摧索尋古洞似

堂奧龍場論說多參差曉行六廣看山色征鞭搖

曳閒吟詩

州屬六廣河公有曉發詩

依然懷德頌棠樹摩雲老

柏皴霜皮嗚呼大名垂宇宙奇材文武能兼資幽

潛荒怪炳燭照揆諸天道昭無私區區羅甸亦褊  
小欽欽賢哲餘追思葛侯君實共千載婦人走卒  
常言之鋒銷硿戶勤耕菑白蠻黑裸來熙熙醉中  
起舞歡傲傲我歌用作迎神祠

朱子餘直牧

謹度

出示乃祖勇烈公傳題

後

有序

公諱射斗貴筑人由行伍從征緬甸大小金  
川黔楚苗疆廓爾喀川楚教匪累功至川北  
鎮總兵 賜幹勇巴圖魯騎都尉世職嘉慶

四年追賊於蓬溪縣之高院場援絕被害事  
聞諡勇烈加二等輕車都尉入祀昭忠祠公  
沈毅果敢兼文武才每戰必先賊畏之呼爲  
朱虎歿後賊聞空中甲馬聲驚呼公至自相  
踐殺又呼爲朱判官云

聞中城樓見公書

公手書旭日迎暉四  
大字於閬中東城樓

潼川城郭

尋公墓

公歸葬於黔遺左足後得之葬於  
潼川府城西之鳳凰山仙人掌

營山道

上拜公祠傳說當年追賊處

道光戊申二月余權  
營山縣尉於道旁土

神祠見公栗主蓋  
當時追賊至此也

公初貌似尋常人出而用兵

如神卅四年間二百戰是爲大將爲忠臣亡賊

自斃賊心墳前祭

後獲賊首李剛剖心致祭

執戈會侍阿文成

騎箕上訴

純皇帝

乾隆末官已至總兵

精魂在天招不得百草春濃迷

血色但見片石人呼墮淚碑誰知死作閻羅生柱

國

七夕寄內

雙星畢竟勝人寰祇隔盈盈一水間思婦高樓今

夕夢可能飛越萬重山

送貞伯觀察之貴州糧儲兵備任二首

州縣關民命監司乃上官饑寒兼盜賊求治此邦  
難浩劫真堪痛虛名恐未安吾儕讀書意初不重  
彈冠

黃葉新霜後朱旗驛路中化行應渡虎遇順已飛  
鴻似我才堪棄憂時志或同黔書資考鏡所望繼

田公

田公雯著  
黔書行世

蛇足

蛇足功名有是非虎頭食肉尙依稀早知大地無

完土誰念孤城正合圍

時安順府被圍

三五繡旗前路擁

一雙環佩後車歸皇天昏眼開何日白草荒山淚

獨揮

樸齋弟

起駿

權安縣令寄詩勗之

汝我在家皆百姓官如屈我我何如縣多積牘塵  
須埽吏敢爲姦網莫疎萬丈冰山終自化幾分地  
步要留餘人云俗狀醫無藥儻得閒時再讀書

### 西望二首

西望旗幢瞬息空歡娛愁嘆幾人同爭墩總是癡

兒事誰識王公與謝公

美諡榮名史亦誣豐碑表墓斷樵蘇道旁翁仲遮  
人語汝見侯門麥飯無

贈馬治齋太守

名應鏜時  
權大定府

城郭民人是也非

府城兩  
被賊陷

鐙前相對各獻歎十年

彈指青山在萬事驚心白髮稀舊雨停雲呼酒盞  
寒風吹雪上征衣投林倦鳥枝棲穩莫向高羅密  
處飛

問誰三首



問誰車過彩雲中五色鸞書一樣工寶炬歡迎青  
鳥使朱顏迴映玉屏風

問誰今夕宴瑤池親酌天漿醉莫辭阿母蟠桃初  
結子歲星豈料是偷兒

問誰解作步虛聲幾見奇書讀上清陰壑羣魔朝  
吐霧燭龍銜照要分明

沙子哨題壁四首

屬大  
定府

荒城回首祇寒煙瘦馬衝泥怯早鞭雪後山分青  
白界日中雲補蔚藍天無金笑我貂裘敝有墨磨

人盾鼻穿便與東坡翻妙語但求歸去不求田

坡詩

云有田不歸如此  
水爲進一解何如

百尺巖居雜猓夷鳩形鵠面語朱離逢人竟作無

名氏

種人有六額子  
白額子皆無姓

當道偏多沒字碑稍喜魚鹽

通市井可憐雞犬避旌旗堅冰在樹風搖落幻出

玲瓏玉滿枝

襖被蕭然事遠征芟除詩卷壓裝輕屠龍從古原  
無用刻鵠而今又不成老去才人嫁厮養時來豎  
子立功名籌邊自衛皆長策河上逍遙有重兵

欲記前遊已半忘  
苔痕綠上舊題牆  
殘僧合掌求香火  
餒鬼酸聲哭戰場  
成敗論人千古痛  
去來如燕一年忙  
寒宵獨坐憑誰語  
短燭熒熒惜寸光

畢節縣四首

彈丸小邑比靈光  
血戰曾聞士裏創

髮逆及苗號各匪圍城十

餘次未陷

賊過如梳真草草  
客愁似海正茫茫  
空餘樓堞參差影  
羞見蠻花慘淡妝  
誰道遠山眉樣好  
暮

雲無色雨聲涼

驚起棲烏夜擊刁  
自書咄咄付吟謠  
三蟲合作方

成蠱五木呼來竟得梟青史灰餘兵後火

學屏僅存明史

殘本

朱門淚冷市中簫

唐提督文淑故宅今爲傳舍

明年待到春

風暖可賸楊枝放短條

午夜徘徊九轉腸胸橫冰炭眼滄桑誰傾禍水流  
千里竟鑄銅山飽一囊飛去良禽須擇木飢來仙  
鼠誤搬薑積骸成莽無收處繡幙牽絲有暗香  
莫笑樵人爛斧柯棋畱殘局子無多工詩豈信尊  
同佛非病方知睡亦魔筆硯未焚才欲盡杯鐺漸  
冷夜如何思歸便作西湖夢欲向漁兒乞釣簑

歲暮漫書四首

約共梅花耐歲寒南雲相望尙漫漫

梁檀園學使書來期至滇

中度

虛名自笑今何用來日方知事大難璇玉瑤

珠非佩物杯弓蛇影總疑團此時尙作然犀照靈  
怪紛陳莫縱觀

洱海蒼山舊壘屯西風肅殺陣雲昏求援已類秦

庭哭

大理回逆杜文秀遣賊數萬圍雲南省城甚亟

話別將銷楚客魂

時幕

客多還

衡巷有歌皆涕淚蠻夷無罪卽見孫少陵

諸將誰堪讀祇望心肝奉至尊

日下江河挽已遲窮年狹路問何之膏脂既竭還

煎髓毛髮重生又附皮享利看人爭鵲蚌潛神誤

我瀆著龜崩牆智井誰深固子子營營喜未知

拱子子井中蟲也

攻心有策用如何枵腹原難責荷戈禍本未除龍

里縣縣爲賊踞近逼貴陽郵傳將斷鳴池河河爲黔西驛道已梗韋皋

鎮蜀名應重先軫歸元恨已多時貴州提督趙君德光戰歿旬日後

始得歸元臘鼓聲中聞戰鼓堂堂歲月易蹉跎

玉笙樓詩錄卷五終

玉笙樓詩錄卷六

海昌 沈壽榕 意文

同治戊辰

畢陽春感四首

征夫不語動長嗟  
暗數歸期早及瓜  
碧血腥風原上草  
紅雲香霧鏡中花  
欲埋憂患偏無地  
未減匈奴豈有家  
燕子遲來鶯已嬾  
一般辛苦各天涯

彌縫百計補殘疆  
只此空拳儘力張  
猿鶴沙蟲都

化却龍蛇狗馬各登場

黔人趁墟以十二支屬爲期因呼爲龍場蛇場狗場



馬場

危城一髮懸安郡

安順府圍甚亟

小雪孤燈宿大方

去冬雪夜宿大定府古名大方

膏沃而今皆赭土使君何術勸耕

桑

朝來送客悵臨歧

時張曉峰觀察還貴陽

懷抱何堪又此時

滿引酒尊難獨醉剛逢花事放將離畫成名下真

如餅脫出囊中卻似錐我亦思歸歸未得杜鵑聲

裏雨如絲

城上鳴笳破曉寒春波綠淨洗愁難紅羅競繡鴛

鴛譜白簡虛聞獬豸冠溷落茵飛誰自主桃僵李

代恐無端胡孫布袋何時出又見鮎魚上竹竿

春草四首

一度春風一斬新遙看如繡復如茵緣何遠志猶  
名草已入窮山況送人往日句留鴻爪雪平原消  
受馬蹄塵垂楊曾作高枝舞甚事低眉也效顰

客從香徑問薜蘿一樣衫痕入畫圖貧女蓬門眉  
黛淺佳人空谷姓名無獨搖瘦影迷蝴蝶嬾聽低  
聲怨鷓鴣造物總教生意滿莫將朝槿比榮枯  
亂後依然綠上城思鄉時節近清明池邊好夢惺

忪覺花外閒愁荏苒生斜日西來紅欲染大江東  
去碧無情但留根在須培養散作秋蓬莫太輕  
豔說裙腰似女兒奪來顏色襯燕支關河道阻行  
偏遠雨露恩深報或遲雙鬢微驚初白候一年最  
好踏青時無言相對如桃李我亦勞人汝未知

客散

客散平臺燭未銷笳聲隱隱出寒譙乘除花事陰  
晴雨起伏鄉愁江海潮酒暖紅螺浮漱澣書傳青  
鳥送迢迢珍珠在手憑誰贈咫尺閒門鎖寂寥

寄趙姬

中宵夢醒斷爐薰兩地愁牽萬念紛寒食明朝應

有淚紙錢飛上女兒墳

所生女阿錦甫半歲而殤

七星關

屬畢節縣

何處慘離顏春深客路閒遙情天末樹畫意雨中

山驛廢凋雙堠兵奇鎮百蠻途人尊葛相

武侯南征禡祭

於此指點七星關

度偏橋憇蓮花山僧寺

偏橋側面度蓮峰百卉春深藥氣濃厰廢倭鉛餘

瘠壤

山有倭鈴  
厰今廢

寺荒泥佛帶愁容  
巉巖齒齒磨牙

虎

其地盜

老栢鱗鱗蛻骨龍  
我亦未除煩惱障  
與僧

相對愧晨鐘

瓦甸卽事

屬威甯州

入門笑問酒家兒  
兒笑山深客到遲  
牆外一株紅豆樹  
晚來雙鳥說相思

威甯道中紀詠四首

山橫峻阪水盤渦  
奈此心旌不定何  
荒徼春寒花尙孕  
故人雲散我重過

丁巳秋同濮少霞觀察李  
蘭舟吳子京兩明府隨吳

仲昀師

過此

苴蘭古國坤靈秀

畢節古苴蘭地

貴竹危城震動

多時安平賊

明日南征尋可渡繫船短杙漢牂柯

過通近貴陽  
即可渡河  
即雲南界

竟有村苗號紫薑曾聞聲教被遐方魚蠻喜獵施

機巧

紫薑苗多讀書魚苗蠻善用弩

雞骨求巫卜歲穰

狝家苗善用雞骨卜

高寨叢居花犵狁

花苗結寨山頂曰犵狁

古祠爭賽竹三郎

苗人廟祀竹王第三子曰三郎

閭閻多少無衣者橡樹林林比種

桑

黔多種橡以葉飼野蠶作繭其利甚溥

墨特川前驛路長

川在黑章河前

僕夫况瘁馬蹄僵珠穿

薏苡憐貧女

苗女多繫珠串貧者代以薏苡

曲奏蘆笙引外郎

苗女

呼所私者曰外郎相約不至男升女屋吹蘆笙引之

老豹老鴉聊戲語

人呼狝家

苗男曰老豹女曰老鴉

花裙花面各新妝

羅鬼女子多刺面作梅花瓣著五色

短裙客愁滋味誰深淺野店沽來呷酒香

苗人釀黍酒盛以瓦

在用竹管吸之曰呷酒

多財鉛汞與銀阮析刀錐競苦爭

黔有水銀廠鉛廠

皮

革器成丹漆豔

大定府產革器皆以丹漆飾之

松脂鐙閃碧膏明

野人然松脂代燈燭

何曾農有三年蓄始信天無十日晴

黔中

雨多路險諺曰天無十日晴地無三里平

父老相持含淚語眼前白骨

盡蒼生

水坪子

屬威甯州

朝寒細雨灑旌旗又指邊州歎路歧荒渡喚來輕  
舴艋暖風開盡野酴醾一年物候驚初夏幾戶人  
家熟晚炊亂石如羊鞭不走蠻村餘燼草離離

重渡可渡河

莫唱扶風豪士歌客愁今比亂山多可憐可渡河  
邊渡渡去行人可奈何

題野寺壁



病僧如瘦石壞牆腥腐鼠斷橫尺半碑樹精作人語

宣威州解見前牧廖金甫刺史壁上詩次

日復以所作秦鏡篇見示賦此贈之

名鼎聲臨

桂人

桂林山水甲天下我未能遊想見之草木尙餘兵  
後劫風塵留此壁間詩難爲白髮歸田計還說孤  
城被賊時秦鏡光寒神慘淡向人肝膽又誰知

金甫幼承母教受六經畢始就外傳舊繪

篝燈夜課圖今圖佚而乞詩

一官曰民牧教養須兼施返躬求實濟稱詡慚口  
碑南詔本荒遠邊州徒羈縻未暇治禮義吞噬紛  
蠶爨昨行過宣威閭閻俱凋疲蠶雲擁巖發掀地  
黃沙飛廖君前刺史所學惟古師君曰承母訓六  
經皆受之鳴機督夜課開門星斗稀短檠紅一寸  
高文流光輝孝廉作循良百姓當如兒仙香閣已  
渺太夫人有韻語傳芳徽圖書餘想像聞言生欽  
仙香閣詩遲榕也穉好嬉母氏憐嬌癡逃書誤識字怒卽加

鞭笞今蒙

雨露恩

先世已蒙  
賞一品封

隱含風木悲安得奉五鼎及於

親見時况茲事艱鉅無術扶傷痍先人在九原告  
慰將何詞朝夕守此念用益兢兢持俗士希浮榮  
且復營營爲誥誡豈敢忘音容猶追思徘徊各拭  
淚當年遊子衣

南甯雜詩四首

西爨遺殊俗南甯此再過窮山留虎塚

五虎山有  
虎塚土人

嘗見虎  
拜其下

平野接鶯窩

地名

戍久揚旗慘廳狂拔木多

漢碑名最古斷礎拂殘莎

漢李膺碑  
僅餘下礎

極望莽青蒼峰迴夕照黃砂枯銅礪臭松老茯苓  
香馬廐人低帽牛車客露裝偶行東海子尺半鯉  
魚長

咫尺城南徑清流漢相祠天光與雲影太守舊題

詩

武侯祠有清泉前郡守朱君  
湘題天光雲影四字並詩

蕞爾蠻獍長巍然

晉宋碑

晉龔寶子及段氏  
會盟碑均在祠內

梁王多廢塚石亂後人

疑

元梁王墓凡  
土阜八九處

初志惜蹉跎流光一刹那黃雞催客起元鬢爲誰

## 如何

劉靜臣制軍約登西山置營壘卽事四首

壁壘森圖畫旌幢勢欲飛烏啼殘角起馬立亂山

圍昆海頻年劫征夫何日歸昨聞探虎穴

省軍新  
克石虎

崗賊  
巢  
變色話戎機

竟上最高處應求不世才地盤江似曲人訝客重

來歲月雙丸走雲天一鏡開中原尙多事

時擒匪  
白直隸

同竄  
河南  
未敢獨登臺

入夏氣蒼涼危哉此戰場棋憂全局覆琴待改絃

張勁旅奔而殿

楊林之戰岑彥卿中丞被創督戰

孱民走且僵借

籌無尺寸前席起徬徨

僻陋真荒服憑陵象萬千城空懷舊雨

謂亡友吳湛溪李地

山李篠欄楊樹侯諸太守

樹老積寒烟節鉞新開府桑麻未種

田晚風吹卜肆

己未二月予自滇旋蜀卜者胡官禮占之曰亂猶未已十年後公當

來此今言己吾意獨悽然  
駢而胡亡矣

### 秋葉四首

層陰低處漏斜陽歲序驚心雁數行淺著霜痕先

賜紫微因風勢便飛黃酒人薄醉容如畫貧女無  
衣補更忙笑汝此身輕過燕細腰原是楚宮妝  
征袍抖擻戰場沙絕塞長天望眼賒將蛻哀蟬猶  
抱樹不眠寒蝶尙尋花旗亭鞭影催殘夢月夜碁  
聲和遠笳聞道題詩堪寄與微波通處是誰家  
傳云大樹獨當關氣已蒼涼意轉閒世態慣看榮  
悴後客愁都付有無閒津頭淺落拖藍水屋角新  
添點赭山多少芙蓉開正好驕人顏色不宜殷  
生涯未老託樵漁漫悵容華不似初高出烟霄翻

俊鵲緩尋門巷問疲驢人藏梵夾先尊佛

喇嘛僧會以貝

葉經見贈

我守叢殘欲校書

吾杭兵後重開書局

耐此清寒羞作

態明年花放又何如

### 秋草四首

渡河昨夜履微霜自檢征衣怯早涼曉角有聲孤

月迥亂山無主一城荒愁將蒿目觀殘劫獨抱葵

心向太陽醉把離騷如畫讀美人蘭蕙是文章

樓臺金粉已全銷漫道江南色未凋歸去湖山仍

落落不聞木葉亦蕭蕭風前月黑驚談虎塞外雲



三  
黃學射雕怨女征夫多少恨寒蛩私語太無聊

仲蔚窮居亦有年獨留勁節勝纏綿名同馬骨千

金重

千金草色黃多節產夷山中

腐笑螢光幾點圓不信斷腸

猶是藥相思到口便成烟

俗呼烟草日相思草

枯荷自立亭

亭蓋紅蓼斜欹絕可憐

生機宛轉變冬蟲

蜀產冬蟲夏草良藥也

一樣無知有化工

未必人才能采菲微看我首漸飛蓬僧扶短策尋

荒寺客訪殘碑弔故宮相約王孫歸去好先將消

息寄春風

駐營文筆山作

時攻尋甸  
州城踞匪

荒城如斗逞戈鋌  
欹器何因望瓦全  
未翦溪毛高過額  
無名山果大於拳  
灰飛戰骨腥猶熱  
鳥哢蠻音語不圓  
最好萬松同一色  
騶兒來藉綠陰眠

趙元卿觀察來書云今日重陽風日清朗  
惜無白衣人一助高興余以軍事雜沓鬱

悶過之作歌奉答

名樹吉  
宜賓人

年光瞬息又重九  
安得相逢笑開口  
霜中泥淺菊無花  
牀下瓶空誰送酒  
浩浩白石江蕭蕭  
紅樹林

登高不高且放眼將醉不醉添愁心君書尙言今日好遙指遠峰螺黛埽五湖歸夢味蕤羹

雙闕觚棱憶蓬島胡爲乎君居丈室同僧房我持  
秃筆句稽忙苦思熱血坐消耗手腕欲脫鬚眉蒼  
君家義眉去天咫萬丈樓臺碧雲起我家錢唐觀  
怒潮激蕩鷗夷靈怪喜南來共聽城頭烏戰場牧  
馬青草枯長吟擊鉢還擊劍殘兵吹角如吹蘆君  
詩雙明珠

君以九日和陶  
詩二首見示

我詩一敝帚試比古人

才幾斗嫫母西施別妍醜秋聲飛出聞清鐘秋山

聳立撐芙蓉何當掬取銀河水快洗平生芥蒂胸

秋寒簡元卿

無風無雨無霜雪九月隆寒突過冬我學老蠶作  
春繭君如奇鶴斂秋容客心俯仰淚雙落山頂推  
移雲萬重莫漫著書寫孤憤戲拈秃筆已藏鋒

優孟

優孟芻靈貌偶然調脂敷粉尙爭妍鷹思奮爪條  
難解蠹慣攻心木自穿羞見桔槔隨俯仰強從鑿  
枘辨方圓可兒我愛王夷甫只說清流不說錢

滇南懷古四首

略地西南半壁開二千年事亦荒哉徒聞阿育先  
成佛可惜昆明尚劫灰割據無端封嶽瀆功臣何  
處起樓臺天威儻在今誰敢諸葛空前絕後才

爲底兒孫數典忘九隆八詔最搶攘

其先爲八詔  
次爲六詔後

併爲南詔

銀生金齒頻分裂鐵壁銅關好自強風挾雲

頭飛瘴母

烟瘴深毒  
處曰瘴母

砂尋礦脈問他郎

他郎屬  
有坤勇金

厥今漸  
枯矣

清笳晚奏殘魂泣何止酸心古戰場

此鄉寶玉出泥沙異產奇聞向客誇神鹿兩頭能

食毒彩雲五色便成霞世傳土職刀爲姓

元元江路總管

刀伐明孟良土知府刀哀孟定土知府刀渾立威  
遠土知州刀算黨大候長官司刀奉偶隴川宣撫  
使刀至孟南甸土知府刀貢猛芒市長官司刀放  
革者樂甸長官司刀木板孟璉長官司刀派送瓦  
甸長官司刀怕賴孟養宣慰使刀木旦車里宣慰  
使刀坎老撾宣慰使刀線歹八百宣慰使刀板冤  
鎮沅土知府刀平灣甸長官司刀景發以上皆  
見元明正史及雲南通志今其後襲世職不替塵

淨茅檐蠱在家

滇人云養蠱之家室無塵垢

游女嬉春偏豔絕

素馨花作素興花

滇人矜寵素馨花謂大理國主段素興所愛後呼爲素興花以

其音相等也

牂柯渡後解行滕如許滄桑我見曾擬向樹頭求

美酒

樹頭酒形似草果而甚大外有皮包裹中有核如瓢色黑或有圓有方三稜四稜者剖之

則酒出焉土人又謂之天酒

相傳雞足有高僧

雞足山府名總在趙州

管紛難記州號羈縻恐未能  
關塞蕭條秋雨夕滿天  
落葉灑寒鐙

十月朔余四十六歲生辰感舊述懷得詩

三首

已入中年不自知  
鐙前微覺眼光遲  
回頭尙記成

童口笑口先生放學時

幼時生辰塾師放學一日

紅領短衣飄

紫袖青錢長命繫朱絲

道光壬辰榕年十歲其時先資政公官四川銅梁縣

安居巡檢爲製紫綺袍綴紅領勉之曰願兒長成  
衣朱紫母祝夫人以紅絲繫長命百歲大錢挂胸  
前曰願兒長命百歲而今萬里松楸隔獨望南雲淚暗垂

朔日初生記小陽茲辰蒸裏與焦糖

杜甫十月一日詩云蒸裏

如千寶焦糖幸一梓茲辰南國重舊俗自相歡

前年避客尋僧榻

壬戌四

避客於文殊院

何處呼兒進酒漿十八月生稱異稟

母夫

榕十八月始生

九千里路未還鄉茱萸遍插思兄弟豈料

含愁在戰場

陣馬雲鴻少定居將言時事更愁予重游絕徼真

疑夢

戊午十月榕在吳仲酌師幕中今歲戊辰欲從劉靜臣制府入滇相隔十年再至曲靖



三才言金  
買名山再讀書前席可容籌借筭狂歌應笑食無  
魚自知蟣蝨臣猶愧何止逢人壯不如

鳳梧山道中

屬尋甸州

黃白迷離草木衰奇山靈秘爲誰開斜陽雲氣雙  
龍走平野風聲萬馬來鼾睡對人容借榻談兵邀  
客共傳杯

劉玉田觀察  
留飲營中

陰符久讀翻知誤一寸雄

心燭共灰

同治己己

浮沉三首示元卿

浮沉之勢如溫溫虛矜之氣何軒軒動色相戒防  
危言操刀欲割嗟鈍根猛虎在旁餒以肉胡不設  
阱張籬藩作歌嗚咽不成語悲哉杜老留花門  
主人升堂賓客喜再拜陳詞舞而起一尊先進紫  
霞觴靈藥在中長不死白壁黃金爲公壽公家已  
多安用此何如化作雙鴛鴦對酒不歡將老矣  
砥礪之質爲琅玕溝渠之水爲波瀾眼前朱紫豔  
如繡胷中冰雪何須寒虛聲自炫復相假負重不  
遠甯知難乾坤生材等棄置深山大澤龍蛇蟠

觸物二首再示元卿

朱墨不共色冰炭不同器  
負質各懷真矯焉思立  
異守道蘊以仁達權明其智  
無求斯無爭相類乃  
相忌

千章蔚鄧林選材推工師  
羣稱棟梁器乃珍樗櫟  
姿拳曲且擁腫價重而貨奇  
繩墨爾何物毀棄無  
用時

與元卿話

故人家在古戎州定有思鄉無限愁  
記得十年前

舊事片帆斜日弔黃樓

樓距叙州府十里  
許黃文節遺跡也

松花壩

屬霑  
益州

霑益廢荒城泥塗彳亍行松花隨雨墮瓜蔓上樓  
生鑿壁支危榻攤書倚短檠殘民餘幾戶府帖尙  
徵兵

寺樓雨夜

佛在僧何處登樓客借梯風橫將截雨雲濕似盤  
泥短枕衾如水危牆墨亂題深林藏怪鳥偏共曉  
雞啼

玉笙樓詩錄

卷一

圭

老鴉林

屬宣威州

且復笑開顏  
濃花十色斑  
初陽消積霧  
狹路鎖重關  
客到松鋪地  
香來藥滿山  
牧兒吹短笛  
不解唱刀鐮

披雲巖道院

萬笏奇峰勢  
插天四圍秋  
色浩無邊  
披雲細認前

朝字

石壁披雲二字  
楊升菴先生書

落日來呼可渡船

崖在可渡河上

客

鷲青驪猶緩轡  
人云黃鶴早飛仙

道士曾居黃鶴樓談呂仙事甚

詳

崖泉相對清如昨  
獨我塵容甚去年

金斗鋪曉行

屬宣威州

影沒銀河露未晞  
林鴉已逐曉鴻飛  
泉跳石眼珠  
千顆雲抱山腰玉  
一圍賊過題名牆  
有字兒生斷  
乳母無衣黃塵烏帽  
今何事卻羨田家  
白板扉

過野馬川晝晦

屬威甯州

列岫蔚然蒼雲開  
一線黃回川喧亂  
瀑老樹發奇

香猿抱青藤泣蛇驚  
白日藏萬人新舊塚

明天啟二年西

夷之變瘞骨爲萬人塚  
同治六年平海馬姑  
夷巢拾骸收葬爲新  
萬人塚皆在野馬川

過此

若爲傷

十里舖

屬霑  
益州

崖根結屋樹爲牆抱石來支矮腳牀一室雞豚喧

主客三更鼓角動風霜橋通古驛空流水

前爲炎  
松驛

人說今年是戰場

春初尋甸  
賊擾其地

寂寞豈知重九過菊

英才見數星黃

石峰寺

寺距路南  
州三十里

便脫征衫曳杖行蠻村荒落暮烟橫高樓得月天

光淡老樹吟秋梵唄清碑斷書年存僞號

壁下有  
永祿二

年殘

僧來問客詫詩名熱腸久已如冰雪不省霜

碣

鐘第幾聲

重至節幕感舊作

初看城郭尙依稀丁令重來有是非賓客十年仍

舊館

仍居致爽軒

健兒五色自新衣

滇勇著五色衣

天生撥亂

才非偶人笑無能我望歸枯坐鐙前窗弄影挂簷

絲斷落伊威

浩蕩襟懷浩蕩愁海天空處再登樓

海天閣在署東

艱難

可倚惟孤劍冷煖相依是敝裘荒草迷離官渡水

閒花零落戰場秋尙書老去

謂仲酌師

吟壇寂合訪山



僧話舊遊

西山詩僧  
巖樓尙存

醉訪巖樓袖其彩雲樓詩稿歸燈下率題  
薄酒滌腸胃生意出枯梗散步尋詩禪孤城淡秋  
影久別歲屢移舊貌見猶省古懷灑清風超忽絕  
塵境西湖初歸來昆海異鄉井我留香火緣再踏  
五華嶺吁嗟此一燈暗室人誰炳志靜悟深機才  
勃防外騁競觀天魔舞燐光只俄頃月映案如雪  
低徊忘夜永

題閔貞玉女投壺圖十六韻

屏風聽得未絹本寫投壺盡洗鉛華態題名玉女  
圖早知星作靨猶見雪凝膚檢點崑崙籍聲聞咳  
唾珠飛行空絕跡神采淡描摹絳闕羣真擁青雲  
獨立殊勝還從二馬化欲比雙鳧蓬閨遊蹤遍琅  
璈節奏紆何煩眉翠染轉愁面脂污太素三千界  
分明五七扶帝旁誰主客鈞箕祇須臾驕喚蓮花  
妙籌添竹箭呼迴車鞭紫鳳倒海濯紅芙日色開  
銀榜霞暉映繡襦詩應書碧落錦已翦模餉擬向  
仙班問天公一笑無

昆池秋柳四首

輕鞭又指板橋來

板橋驛距省四十里

斷角聲中舊恨催長

短淺深霜後影古今多少劫餘灰曾經翠海忘春

夢

己未游翠海作春柳詩稿已佚

不見黃金是棄材日暮憑欄無

限思昏烏啼過碧雞臺

攀折無多竟若斯孤寒羞倚最高枝如何玉樹臨

風貌不及歧亭賭酒時老馬識途憐我嬾驚鴻顧

影怕人知飛揚記得清明候桃李陰中雪亂吹

吳江楓落寄書差

時問梅兄宰吳江久無書至

驛路荒殘近幾

家太息將軍空大樹迴思幕府是蓮花城邊戰骨  
燐爲火雨後秋心淚入笳儘有腴田同陸海銷兵  
便好勸桑麻

描將粉本不須濃誰指層樓上一重舉子何時待

衣染

滇亂人  
停鄉試

閨人往事卜侯封再尋古寺餘金馬

相伴寒梅起黑龍

黑龍潭有  
唐梅尙存

池水那知興廢感尙

多遊舫採芙蓉

### 前題疊韻四首

蛾眉依樣鏡中來幾縷新絲暗自催未免有情如

此樹相思無益便成灰  
噓枯尙望含生意難用方  
知是大材弔古莫談蒙  
段事河山破碎況樓臺  
銷魂惜別至於斯詎忍銜  
杯唱折枝流水送人無  
盡處好山留我不多時  
應憐翠袖寒如許若對黃  
花瘦可知撩亂閒愁都是  
客江蘆風荻滿衣吹  
長依官道計原差隄上湖  
邊舊有家千古英雄甘  
種菜十年老女愧簪花  
輕烟影逗模餽月短笛聲  
隨大小笳聞說經綸多妙  
手色絲無緒綜蓬麻  
絕塞同沾雨露濃春旗曾  
見畫重重西風忽引千

條恨

滇亂自迤西始

南詔徒聞五嶽封

南詔封境內名山爲五嶽

兵氣

蒼涼餘草木江聲寂寞冷魚龍閒花強自爭顏色

一笑誰家放紫蓉

醉題蓮花寺

寺在翠海上

記得從前載酒遊粉紅香裏碧盈甌而今再過蓮花寺蓮葉無花四面秋

夢先室薛夫人口占

瑣屑家常絮語輕廿年死別貌如生枕邊有淚無揮處雪打寒窗漏四更

將返蜀中留別幕僚諸友三首

南來已是再遊人  
羽檄驚馳起戰塵  
瓜代回思前日苦  
梅開先報隔年春  
何時詩酒偕諸子  
自古安危在大臣  
只願功成無敵手  
相看地上有麒麟  
雲山莽莽去恩恩  
此日西行路指東  
豈謂高飛鴻鵠羽  
堪傷近事馬牛風  
補瘡剜肉殘民淚  
爛額焦頭上客功  
檢點歸裝宜入畫  
眼前寒葉萬枝紅  
耐得宵長語更長  
無聊情緒各迴腸  
燒殘官燭看斜月  
聽到秋蟲怨早霜  
聞說將軍多揖客  
豈知骨

肉在他鄉驪歌不及饒歌好朱鷺吟成好寄將

束裝待發靜臣制軍挽留復止再賦三章

呈諸友

秋深夏末屢愆期未敢欺人覺自欺良友最難分

手處遠行先索稱心詩

張君小伊任君荆門劉君采九蔡君霽麓皆有次韻

送行都云高義留賓客強寄歡言慰婦兒昨夜梅

魂來枕畔教儂看到好花時

朝暮同堂粥飯僧我求退院有誰憎文章鑄就千

秋淚心血磨成一硯冰擁被不眠疑是鐵鑽窗難



出竟如蠅更闌說夢非癡語各有前因記得曾小伊

荆門皆云前生爲僧  
余亦爲言夢境之驗

塵沙高捲陣雲黃詎信閒遊向戰場

時與小伊采  
九出西郊看

土堆  
賊壘

隴上笑看牛背穩風前吹立馬毛僵人如流

水花重聚雪壓窮廬草又荒試問大觀樓外客海  
枯曾見幾株桑

省圍肅清後宋小墅方伯

延春

程用和廉

訪

誠

蔡芥舟

錦青

彭子嘉

瑞毓

兩觀察招

集海心亭陪劉靜臣制府岑彥卿中丞公

讌卽事有作

一時冠蓋集神仙兵後重開此勝筵雲腳樹浮金  
碧畫橋心波吸蔚藍天才非仕隱真堪棄人笑詩  
狂恐未然記得當時歌笑處東西南北萬紅蓮

摩挲雪浪舊屏風

壁嵌雪浪石屏  
阮文達所題也

况復金尊酒不

空青幕重遊憐獨我蒼生再活望羣公邊防久遠  
戎機密文字辛甘世味同自分臨淵無所羨忘筌  
欲問釣魚翁

閱黎二樵詩偶題

昔見樵夫詩歲久不復記偶書四五篇或遺二三  
字何期十六年重讀發幽秘鑿險絕飛動仙鬼雜  
游戲捫腮嚼橄欖苦澀有餘味匏笙流古音俗耳  
豈能嗜咄哉病好奇跋羊欲追驥射虎石沒羽將  
軍幾猿臂

一字

一字難求筆老成三冬苦惜歲崢嶸牀頭金盡劍  
無色樹頂風高月有聲雲氣樓臺紛變相仙家糟  
粕是才名不知哀樂緣何起萬里人天長短更

十二月望小墅方伯預訂壽蘇之會先賦

長句奉呈

先邀勝侶壽蘇公七百年來感慨中天賦才奇憎  
命達我生恨不與時同爭名洛蜀朔三黨餘事畫  
書詩亦工自古西江流到海瓣香也合奉涪翁

方伯

奉新人  
故云

小墅丈招集藩廨鶴瘦梅清之室爲坡公

壽賦呈此篇

滇中坡老何曾到舉酒酹公公必笑節義文章霄

漢間區區豈盡從詩教公居眉州儂舊遊祠堂碑

版蟠龍虬迴旋紗縠坊前路疎落楓林搖晚秋

祠公

在眉州城內與故第紗縠坊甚近

大江東去浪如屋山對淩雲懷

玉局萬丈高懸佛頂青雙痕淡掃蛾眉綠

淩雲山有東坡

樓遺址

丙寅去蜀年復年思家步月都茫然吾儕有

筆接唐宋杜陵而後蘇門賢良宵華燭同清晝再

拜陳詞爲公壽紫薇閣靜對梅花雪梳瓊酥新俎

豆靈光髣髴來賓筵雅歌唱歎調神絃公生不辰

困箕口公死不朽疑飛仙願我思歸歸未得倦枕

殘編餓喫墨主人愛客客多才鄭重千金留一刻  
吁嗟乎此邦烽火莽西南無復高吟共酒酣寫韻  
樓空悲劫後更誰翦紙弔升菴楊升菴先生謫永昌歿於戍所同人擬建祠不果

是日同會十五人而榕獨醉再賦一篇謝  
小墅丈

一斗一石多如許十盪十決當戰拇隔簾玉笛暗  
飛聲聞說仙人集官府座中羣彥盛龍虎哲匠操  
持繩與斧附庸竊慚等鄒邾冠裳來會尊齊魯髯

翁畫像懸堂宇指點傳神看阿堵千秋文字有心

源皆可爲賓皆可主老船下筆氣清妙

座有張船山先生所

畫淵明嗅菊圖因併祀之

五柳先生貌奇古東籬採菊見南山

笑說從前折腰苦蘇詩和陶詩卽陶祀事同修排

鼎俎兩公不飲我請代安能數典忘其祖所嗟時

日方大難芒角森然出肺腑賢靈在天云異哉後

起之狂今見汝醉歸厭聽樓頭鼓栩栩夢中蝴蝶

舞粲花舌轉齒流香麻姑手爪麒麟脯

小除夕偶題

小寒大寒無雪飛冥濛花氣薰人衣條風未鳴草  
已坼今年將盡吾不歸暗數鐘聲得禪意靜聞檐  
雀知天機生憎塵牘酸我眼短窗燭跋紅輝輝

同治庚午

立春日作

守蟄寒蟲尙寄居年來作計已全疎土牛地暖催  
耕早金馬祠荒奉使虛醉醒無端緣客久陰晴難  
定是春初街頭簫鼓歡兒女只此天真我不如

小墅丈招飲卽席作二首



芳菲消息杏花梢香透辛盤集素交星月同光珠

合璧文章稱伯土分茅烏衣子弟推王謝

謂令姪鳳樓明

府白雪陽春和管匏洱海仍愁風浪惡我如杯水

在堂坳

襟抱相推萼附銜緇塵未滌感征衫重摹神識碑

雙妙

席間出示阮賜卿太守摹天發神識碑楹帖

細認元家畫幾函

右座

舊畫無欸識余定爲元人院本

舊夢江湖隨淡蕩茲鄉寶玉罷彫

劉談兵論酒尋常事今歲詩盟又發凡

閱王阮亭尙書手批明劉節之日損堂詩

殘本

劉名孔和  
長山人

殘書似秋葉披離隨手觸補綴百餘篇鄭重幾回  
讀節之氣高抗忠憤筆端蓄古音動聲牙到口誰  
能熟當時忤驕將放言禍機伏可憐三千人同日  
一聲哭甲申之變節之率義旅三千人至淮陰鎮將劉澤清大會賓客自吟所作詩節之曰公誠將才此事定復不急拂衣徑出澤清遣人殺之舟中三千人譁而散漁洋本詩老  
評語抉心曲磨洗璧有光潛耀室明燭惜劉才未  
竟天胡遇之酷萬里走不脛全牛難在目金石或  
朽敗長留此卷獨賤子師苦吟強顏貂尾續

讀元卿詩卽贈二首

樓高春自來好山憐我癡塵悶鬱如甕啞然吟君  
詩詩中有骨法獨立清且奇雲霞照冠佩綽約天  
人姿海掀千頃波片帆輕可移強敵逼城下指揮  
先登陴問君操何術所造能若斯括其妙曰重志  
定神不疲方寸百靈宰俗眼多相皮泠泠玉淵水  
掬洗開昏眵

閉門甘守寂學古宗騷雅偶然相視笑彼此胡爲  
者君意自冲淡予懷信疎野天真豈雕鑿風度絕

瀟灑下士施狡獪文字尤苟且貌人以自貌善媚  
粉黛假云力大於身按之不盈把初聞鳴鐘鏞再  
擊類土瓦嗟予若頑鐵借君大鑪冶言別賦西征  
時將赴楚雄府寸心何由寫

初至督廨居致爽軒有梅移至石畫軒有  
桂門外隙地野菜雜生感而賦此

此屋此花非我有我來居此且心安追思舊跡誰  
能料戊午十月曾居此二屋儻付庸人絕可歎客記春秋佳

日好香分雪月幾宵寒書生不稱英雄事門外青

青種菜看

和小墅丈花朝賞牡丹之作疊韻二首

先拌泥飲肯來遲高會羣仙又此時已入陽春飛

白雪

前三日大風雪

笑看銀燭寫烏絲昆明叔後留香國

宰相閒中作畫師

座張董蔗林相國牡丹圖

照眼生憎紅粉俗

新添綠葉爲扶持

擊鉢傳箋尙恐遲依然好客鄭當時名花壓座雲

如錦日暮垂簾雨似絲富貴登場原戲局江湖歸

夢有漁師十年懷抱尋常變春草芳菲憶總持

十年

變懷抱春草屢芳  
菲皆江總詩也

自板橋驛至威甯州之黑章河道中雜詠

六首

此別魂銷意也消城南回首彩雲遙思量三百年

前事有客題詩過板橋

升菴先生有過板橋詩

市斷炊烟野霧蒙破樓寒引戍旗風行人莫問楊

林戰

同治七年六月賊屠楊林甚慘

未落斜陽鬼火紅

馬龍郭外晚霞明候吏還勞手版迎如此窮州殊

不惡

滇稱馬龍鎮南路南  
南安爲四大窮州

官衙苔滿綠錢生

邊地無蠶不賣絲三旬多雨插秧遲眼前似有昇  
平象田婦騎牛笑哺兒

山繞荒衙接草廬重縣怯冷訝冬初臨窗拂拭新

紈扇六月偏呵凍墨書

抵威甯州寒甚嵩刺史  
年乞書紈扇呵凍應之

濃陰掩綠暗孤村店壁淋漓屋漏痕昨夜溪頭春  
水長釣魚船到酒家門

過七星橋憇新屯

屬畢  
節縣

半年三度過千里一橋橫石棧鉤梯路河流戰鼓  
聲濃烟新市集驟雨遠山晴妙絕題碑字蓮花蔓

氏名

道旁有明成化時  
蔓氏蓮花之墓

寄懷易健齋觀察

時攝安  
順府篆

交情慷慨意纏綿記別成都瞬七年喜得音書知

近狀驚看文筆勝從前

書來並示  
遊南嶽記

尋常作郡人皆

笑久亂安民汝獨賢我有羈懷無可說酒杯拋卻

便如禪

贈路幼清孝廉四首

名瑄畢  
節人

畢陽近千戶佳士何林林芟落榛與莽藹然桃李

陰十年苦邊患文物嗟銷沉市聲喧竽筑誰復鼓



玉笙樓詩錄

卷六

五

瑟琴我從昆明來子知絃外音新交商舊稿披沙  
同揀金詩如涉大海由淺能入深奇木千層霄何  
止高千尋

我詩本不工工亦不救貧探茲領下珠未撲面上  
塵君歸苦似客僦屋依東鄰飢餓煮文字躑躅謀  
米薪男兒七尺軀造化爲精神龍起借尺木屈人  
當必伸讀書荷艱鉅功濟物與民王道羞雜霸申  
韓兼儀秦自無宏達才作必求其真駑馬卽駑馬  
何敢貌麒麟

初至夏六月倏忽秋已中時邁急歸心短袖驚涼  
風環城眾嶺秀萬樹盤鬱蔥丁卯與戊辰斤斧材  
爲空去年饑軍譁闐闐防內訌今年壯士還錦衣  
咸發弓

余以遣散  
楚軍至畢我

朝設制兵用備戰守攻羣起而言勇遂曰兵無功  
君詩已再讀今宵寒四更月出人語寂幽蟲相對  
鳴始聞角徵細繼作宮商宏天地自然妙噓噏和  
羣生文章本元氣萬變皆神行道子畫仙佛不肯  
點鬼睛今將還蜀都相送趨

帝京

君將赴禮部試

琮璋表國器拙匠雕珎去去各長

路搖搖如懸旌臨風三太息中歲吾何成

隆昌道中

萬畝腴田樹兩行東南千里此康莊我來下馬躊躇久多少清官德政坊

資州四更卽發

殘樽半醉眼慵開官鼓聲從夢裏催何處行人行更早遠山紅過一鎗來

追憶李竹屋布衣二十韻

李名演字子卯號竹屋少負逸才家貧棄儒  
學圃與余交甚篤每言別輒泣下今三十年  
無消息聞其老益困且死矣余悲其遇之窮  
而仍望其存也賦成長律二十韻故不曰輓  
詞而曰追憶云

投壺射覆共兒嬉倏忽旋生老大悲話別卅年如  
幻影從無一字寄相思都云多病君先死或出傳  
聞我尙疑昔日桑田問何處今番花樣不同時曾  
看門掩蓬蒿徑引就泉開上下池侵曉灌園欹抱

蘼荷鋤芟草熟烹葵連牆路隔梯斜過記漏談深  
燭暗移茅屋數椽涼對雨楸枰半局偶彈棋秋菰  
春韭盤中味紅樹青山畫裏詩土廟微馨搜野葯  
竹添新笋護疎籬炊餘冷突抽薪活補到殘衫亂  
葉披竟使斯人獨憔悴尤傷暮境迫崦嵫當初倚  
馬才方試偶聽歌驪淚便垂自謂閒愁眞細事可  
能後會比前期盟稱車笠言猶在宿類參商恨屬  
誰分手蒼茫難再見熱腸宛轉憶臨歧鹹酸嗜好  
根常齟貧賤交情俗豈知長柄葫蘆權笑答故鄉

松菊待歸遲縱教仙去尋遺蛻更痛琴亡理斷絲  
夜正漫漫天未旦魂來入夢定成癡

帥蘭臯方伯指畫竹樓觀瀑圖

羣峰交互奇且橫飛泉直瀉寒而清蒼蒼莽莽不  
可狀琤琤琤琤聞有聲千竿萬竿竹並生濃青淺  
碧俱分明文章畫工兩絕妙信手偶得天然成層  
層雲氣如龍行翻翻雪浪如奔鯨斯時觀瀑若觀  
海寸心不動波瀾平好風搖搖琅玕鳴細流涓涓  
疑彈箏高樓百尺使坐我我對長天吹玉笙

昭覺寺

成都郭外

曉禽啼枯枝老牛卧閒地僧起未開門問客來何  
事

昔日宣華苑樓臺有幾重今爲昭覺寺殘夢一聲  
鐘

玉笙樓詩錄卷六終